

d antwort

Text: Hans Jürg Zingg

Melodie: Bob Dylan (blowin' in the wind)

Begleitung: Daniel Schmidt / Mauro Zompicchiatti

was gscheht we dr mönsch sys mönschsy vrgisst
wenn er tröimt syni technik syg perfekt?
wenn er schlaaft wüll er d gfahr ar wahrschynlechkeit misst
schtatt dass d angscht scho vor dr müglechkeit ne weckt?
was passiert wenn es volk uf experte vrtrout
wo vrzelle *mir heis u mir chöis!*
u sys heil uf nes märli vo sicherheit bout
alli skeptiker uszellt als chlöis?

d antwort mys chind di bringt is dr wind
di bringt is vo russland här dr wind

was gscheht we dr mönsch sys mönschsy vrgisst
wenn er meint *mir passiert so öppis nie ?*
wenn er lügt, wüll er alls a dr nützlichkeit misst
u wüll d angscht ne glych halt packt het – u wie!
was passiert wenn es volk uf politiker bout
verfilzt mit em business energie
dene phrase vo fortschritt u machbarkeit trout
u trotz harrisburgh u tschernobyl no keiserougscht bout?

d antwort mys chind di bringt is de dr wind
ou die bringt üs einisch de dr wind

- mässbar

(1986)